

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 1807013883, 1807997031 և 1807997032 որոշումները բեկանելու և վարչական իրավախախտումների վերաբերյալ գործերը կարճելու

մասին
<<06>> 06 2018թ. 17-13-55545-18/17-13-1239

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Արման Մինասյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Ազատության պողոտայի 62/2 շենքի 711 բնակարանի բնակիչ Արման Մինասյանը դիմումով հայտնել է, որ <<MERCEDES-BENZ>> մակնիշի 260S476 հաշվառման համարանիշի տրանսպորտային միջոցը վարել ինքը, ուստի խնդրել է անվավեր ճանաչել Ճանապարհային ոստիկանության վարչական տույժ նշանակելու մասին թիվ 1807013883, 1807997031 և 1807997032 որոշումները՝ նշելով, որ իրավախախտումները կատարել է ծայրահեղ անհրաժեշտությունից ելնելով իր եղբորը՝ Էդուարդ Բորիսի Մինասյանին <<Սուրբ Գրիգոր Լուսավորիչ>> բժշկական կենտրոն ՓԲԸ տեղափոխելիս:

Վարչական իրավախախտումների վերաբերյալ ՀՀ օրենսգրքի 286-րդ հոդվածի 1-ին մասի համաձայն՝ Արման Մինասյանը ճանաչվել է որպես իրավախախտում կատարած անձ, ուստի նրա կողմից ներկայացված գանգատը ենթակա է քննության:

Դիմումի քննարկման արդյունքում պարզվել է, որ դիմումատուի խնդրանքը ենթակա է բավարարման, քանի որ Վարչական իրավախախտումների վերաբերյալ ՀՀ օրենսգրքի 17-րդ հոդվածով վարչական պատասխանատվության ենթակա չէ այն անձը, որը թեև սույն օրենսգրքով կամ վարչական իրավախախտումների համար վարչական պատասխանատվություն սահմանող այլ նորմատիվ ակտերով նախատեսված գործողություն է կատարել, սակայն գործել է ծայրահեղ անհրաժեշտության վիճակում, այսինքն՝ մի այնպիսի վտանգ վերացնելու համար, որը սպառնացել է պետական կամ հասարակական կարգին, սոցիալիստական սեփականությանը, քաղաքացիների իրավունքներին ու ազատություններին, կառավարման սահմանված կարգին, եթե այդ վտանգը տվյալ հանգամանքներում չէր կարելի վերացնել այլ միջոցներով և եթե հասցված վնասը կանխված վնասի համեմատությամբ ավելի նվազ կարևորություն ունի:

Ճանապարհային ոստիկանության վարչական տույժ նշանակելու մասին թիվ 1807013883, 1807997031 և 1807997032 որոշումներով արձանագրված իրավախախտումները կատարվել են 20.04.2018թ. ժամը՝ 00:52-ին, 00:53 և 00:53-ին, իսկ <<Սուրբ Գրիգոր Լուսավորիչ>> բժշկական կենտրոն ՓԲԸ-ի կողմից 08.05.2018թ. տրված թիվ 01-14/1695 տեղեկանքի համաձայն՝ Էդուարդ Բորիսի Մինասյանը իրենց մոտ է տեղափոխվել 20.04.2018թ. ժամը՝ 01:00-ին <<MERCEDES-BENZ>> մակնիշի 260S476 հաշվառման համարանիշի տրանսպորտային միջոցով, որպես շտապ դեպք՝ <<Պոլիտրավմա>> ակտորոշմամբ:

Ելնելով վերոգրյալից, նկատի ունենալով իրավախախտումները ծայրահեղ անհրաժեշտության վիճակում կատարելու հանգամանքը, ղեկավարվելով Վարչական իրավախախտումների վերաբերյալ ՀՀ օրենսգրքի 17-րդ հոդվածով և 293-րդ հոդվածի 1-ին մասի 3-րդ կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 1807013883, 1807997031 և 1807997032 որոշումները բեկանել և վարչական իրավախախտումների վերաբերյալ գործերը կարճել:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Արման Մինասյանին:

կատարող՝ Կ.Գևորգյան

Ե.Կարապետյան